

Carl Siegfried Abraham Aeminga ; Johann
nes Casimirus Henricus Grave

Quaestionem iuridicam: An heres
deliberans beneficio inventa

1773

Greifswald

1773

r. Leminga, K. S. A.

Grave

P. 294

QUAESTIONEM IURIDICAM: AN HERES DELIBERANS BENEFICIO INVENTARI UTI POSSIT?

SUFFRAGANTE AMPLISSIMO ICTORUM ORDINE
PUBLICO EXAMINI SUBMITTUNT
PRAESES

CAROL. SIEGFR. ABRAH.
DE AEMINGA

I. U. D. ET SUMMI REG: TRIBUN. ADVOC.




ET
RESPONDENS


IOANN. CASIM. HENR. GRAVE

REG. DICAST. ADVOC.

DIE MENS. MÄRT. A. MDCCCLXXIII.

GRYPHISWALDIAE
LITTERIS A. F. RÖSE
REG. ACAD. TYPOGR.





§ 1.

Heredem, suscepta hereditate, in locum defun-
cti succedere, eumque adeo repraesentare,
notum est, quam quod notissimum; (a) Un-
de confusionem iurium & obligationum defuncti & he-
redis oriri constat. Quam ob rem hic non modo iuri-
um defuncti redditur particeps, verum etiam ad obli-
gationes eiusdem implendas obstringitur, etiamsi here-
ditas debitibus solvendis non sufficiat. Quae cum ita
sint, haud raro contingere potest, ut heres improvi-
dus praeceps in suam ipsius perniciem agatur, nimium
timidus vero, qui nullius animi, nullius contumelie est, pro-
ficiuam repudiet hereditatem. Romanorum vero cum
interessest, ne periculo insignem rei familiaris iacturam
faciendi heres exponatur, neve hereditates sint desili-
tiae, illi in deliberandi & beneficium inventarii salutari
I. In. deli-
berandi

A

consilio

consilio dedere. Illud a praetore inventum, ab antiqua *cretione* (b) arcessendum esse videtur. Nam olim ab ipso testatore, qui heredem cum *cretione* instituebat, huic tempus deliberandi dabatur. Quid vero si, herede sine *cretione* instituto, additionem hereditatis urgeant creditores, substituti, vel legatarii? Tum praetor ab herede aditus, huic, imitatione testatorum, spatium deliberandi concessisse videtur (c). Est ergo *ius deliberandi* nihil aliud, nisi *ius heredis intra tempus aliquod consultandi, au hereditatem suspicere sibi proficiat.* Cuius quidem temporis spatium arbitrio magistratus determinandum esse praetor edixit (d). Sed iure novo sublatum est hoc magistratus arbitrium, duoque casus a se invicem sunt discernendi. 1) Urgentibus eis, quorum interest (e), heredi certum tempus ad deliberandum praescribitur: Annale quippe, si imperator rogetur, si magistratus, novem mensium (f). 2) Nemine urgente, heredi, quamdiu superstes est, hereditatem amplecti non denegatur, nisi tertius iam huic praescriperit (g).

(a) ARNOLD. VINNIUS in *Comment. ad §. 5. I. de hered. &c diff.*

(b) CRETIO denotat 1) certorum dierum spatium, quod datur instituto heredi ad deliberandum, utrum expedit ei adire hereditatem, nec ne. ULPIANI *Fragment. Tit. XXII. §. 27.* apud ANT. SCHULTINGIUM in *Jurisprudent. Anteiusustin. pag. m. 642 &c 643.* 2) Sol-

lem-

luminem hereditatis aditionem indicat. Ita ULP. d. I. §. 28. *cernere*, inquit, *cst verba cretionis dicere* ad hunc modum, cum me M. T. VIUS heredem insituerit eam hereditatem adeo cernoque. 3) *Significat* etiam, *mea quidem sententia, sollemnem formulam, qua quis adiecio tempore scribebatur heres;* velut „*Titius heres esto certe in diebus centum proximis, quibus scieris poterisque, nisi ita creveris, exheres eslo.*“ ULP. cit. loc. Sic cretio dicitur vel *vulgaris*, vel *continua*. *Vulgaris*, cui adiiciuntur haec verba, quibus scieris poterisque; *continua*, cui non adiiciuntur. Illa heredi tempus utile ratione initii, haec continuum dabat. ULP. Tit. XXII. §. 31 & 32. Ita etiam heres *cum cretione* vel *sine cretione* institutus dicitur. ULP. ibid. §. 25. 29. 30. Ibi sollemnis formula adhibita erat, hic non acque.

(c) JAC. CUIACIUS ad Tit. Dig. & Cod. de iur. deliber.

(d) I. i. §. 1. & I. 2. ff. de iur. delib. modo non pauciores centum diebus heredi praeslituantur cit. I. 2. Intra centum dies vero olim cernendam suisce hereditatem, UPIANUS meminit in *Fragm. Tit. XLI. §. 27*: Unde iuris deliberandi cum cretione similitudo appetet. Sed isti centum dies, non pauciores, sollemnes erant in cretione *non libera*, ut ostendit JAC. CUIACIUS in *Obs. Lib. IX. Cap. 29*. qui de cretione eleganter, ut solet, commentatur. In *cretione libera*, cuius formula erat



ternito cum volueris, tempus ab arbitrio heredis dependat.

- (e) ut creditoribus substitutis & legatariis.
- (f) *I. fin. §. 13. C. de iur. delib.*
- (g) *I. 7. C. de petit. hered.*

§. 2.

*Competit ius deliberandi heredibus tam voluntariis, quam
cuinam com- petat. suis & necessariis (a). Merito tamen excluduntur heredes necessarii in specie sic dicti, seu servi a domino suo heredes scripti. Nam hi hereditatem & vel nolentes ipso iure ita adquirebant, ut ab ea abstinere non possint (b). Si servus alienus heres institutus erat, domino ipsius ius deliberandi competebat (c).*

- (a) *I. i. pr. & I. 8. ff. de iur. delib. I. 19. C. eod. nec obstat §. 5. I. de hered. qualit. & differ. quam optime interpretatur ARN. VINYIUS in Comment. ad eandem.*
- (b) *§. 1. I. de hered. qual. & differ.*
- (c) *I. i. pr. ff. de iur. delib.*

§. 3.

II. Benefici- um inventa- ri. Sed deliberandi facultas heredi non sufficiebat, cùm, licet ea usus sit, fine pericolo tamen hereditatem subire non posset. Quod perspiciens praetor minoribus beneficio restitutionis in integrum succurrit (a). Dein Hadrianus Imperator sanxit, ne maiores etiam vi-

ginti

ginti quinque annis ultra facultates hereditatis teneantur, „si post aditam hereditatem grande aes alienum emerſifset, quod aditae hereditatis tempore latebat (b). Quod ad milites postea restrinxit GORDIANUS (c). IUSTINIANUS vero binis, ut ipſe refert, heredi prospexit constitutionibus. Altera harum transmissionem iuris deliberandi in successores, quam in antiquis legibus invenerat, stabilivit, altera Hadriani constitutionem restaurasse videtur (d). Tandem IUSTINIANUS indulgentia antecessores superare, novoque beneficio heredes plane tutos reddere voluit. Quapropter eis *beneficio inventarii* (e) prospexit, quo, *interveniunte publica rerum hereditiarum descriptione, confusio iurium atque obligationum defunctorum & heredis impeditur, eo effectu, ne hic ultra vires hereditatis creditoribus teneatur* (f). Consulitur hoc beneficio cunctis heredibus, tam voluntariis, quam necessariis, tam scriptis, quam iis, quibus haereditas ab intestato defertur (g)

(a) §. 5. I. de hered. qualit. & diff.

(b) §. 6. I. eod.

(c) cit. §. 6. & l. fin. pr. C. de iur. delib.

(d) l. 19. C. de iur. delib. l. fin. pr. eod. „Scimus, inquit IUSTINIANUS, „in genere iam duas esse promulgatas a nostra clementia constitutiones, unam quidem de his, qui deliberandum pro hereditate fibi delata existimaverint, (quae in l. 19. C. all. deprehenditur) aliam autem de improvisis debitibus & incerto exitu per di-

„versas species ei imposito.“ Posterior constitutio non amplius supereft, ut obſervat HAHNIUS IVefenb. in Tit. de iure delib.

(e) Designatio bonorum publica s. publica auctoritate facta inventariorum audit, cui *specificatio privata* opponitur. Quomodo inventarium ad amissionem iuris Romani ab herede conficiatur, ipſe adeo IUSTINIANUS docet l. fin. §. 2. C. de iur. delib. & Nov. I. Cap. II. §. 1. Praixin Germaniae tradunt LAUVERBACI. in Colleg. Theor. Praef. Lib. XXVIII. Tit. VIII. §. 13. & qui de Pomerania nostra in specie agit MEVIUS Part. II. Decif. 356. Quare haec, aliaque trita, ut a scopo huius differentiationis aliena, sicco pede tranſeo.

(f) Ut perspicuitatis rationem habeam, descriptionem quam definitionem dare malui.

(g) quod probat cit l. fin. pr. verbis: „Ex omnibus „itaque istis unam legem colligere nobis apparuit esse hu- „manum, & non ſolum milites adinvari huiusmodi be- „neſicio, ſed etiam ad omnes hoc extendere, non tantum „ſi improvifum emerſerit debitum, ſed etiam ſi onero- „ſam quis invenerit quam adiit hereditatem — §. 1. „Cum igitur hereditas ad quendam *five ex testamento,* „*five ab intestato fit delata, five ex affe, five ex parte,* ſi „quidem recta via adire maluerit hereditatem — nullo „indiget inventario. §. 2. Sin autem dubius, utrumne „admittenda sit, nec ne defuncti hereditas, non putet ſi- „bi

„bi esse necessariam deliberationem, sed adcat hereditatem, vel se immisceat, omni tamen modo ab ipso inventarium conficiatur.“

§. 4.

Quod ad differentiam attinet specificam, quae inter ius deliberandi & inventarii intercedit beneficium, illa ex notionum collatione facile patet. Adhibito enim iure deliberandi hereditas est iacens, eiusque aditio ad futuram heredis declarationem suspenditur. Verum simulac inventarii beneficio utitur heres, ipso facto adit hereditatem (a), ita tamen, ut ad obligationes defuncti implendas eatenus tantum obstringatur, quatenus ipsis ex bonis a defuncto relictis satisfieri potest.


(a) Additionem hereditatis hic & in sequentibus in sensu generaliori accipio, quo immixtionem complectitur, quemadmodum occurrit in *lege 4. C. de in infit. Et sublit. & l. ult. C. de abstin. vel repud. hered.* vid. *BRISSONIUS de verb. signif.*, sub voc. *adire hereditatem*.

§. 5.

Praemissis igitur notionibus iuris deliberandi & beneficii inventarii, discutiendum est, an, postquam *hoe a IUSTINIANO inventum, ius deliberandi heredi quidquam utilitatis praefare possit*. Nam si plane inutile est, disquirere non proficit, an heres deliberans beneficio inventarii uti valeat. Praefstat sane utilitatem. Evidem lar-

III. Jus deli-
ber., post-
quam con-
cessum est
benef. in-
vent., adhuc
utilitatem
praefstat.

¹⁾ genera-
tim



gior, ius deliberandi, post datum inventarii beneficium non tantae, quam olim, esse praeflantiae. Nec inficias ire possum, hoc saepe fructuosius esse. Ideo tamen illud non omni, quantum mihi cernere est datum, destituitur utilitate.

a) ut heres
durante spatio
deliber,
nummos
quaerat,

Nam 1) durante spatio deliberandi hereditas est iacentis (a). Unde fluit, quod illo tempore nondum finito aeris alieni solutio ab herede exigi nequeat. Opportune igitur, nec sine fructu, deliberandi iure utitur, si parata pecunia deslitutus praevidet, fore, ut creditores aeris alieni solutionem a se exigant, simulac hereditatem suscepit. *Ita enim indicias accipit novem mensum vel anni, eoque tempore nummos quaerere potest.* Nec heredem hic quidquam iuvat inventarii beneficium amplecti. Nam hoc non impedit, quominus heres statim intra modum patrimonii defuncti solvere compellatur, ita ut nummis deficientibus res hereditariae alienentur. Ex subitanea vero alienatione insigne damnum plerunque oriri neminem fugit.

(a) *diff. §. anteced.*

§. 6.

b) ut famae
defuncti con-
sulatur,

2) Heredi, ut Iustinianeo beneficio fruatur, inventarium est conficiendum (a). Sed hoc confessio facultates defuncti omnium oculis exponuntur. Unde contumelia in illum redundare potest. *Famae defuncti vero,*
cuius

◎ ◎ ◎ ◎

cuius rationem ius Romanum maxime habet, *iure deliberandi consilitur* (b). Nam hoc adhibito, confection inventarii haud necessaria est. Obstat quidem videtur *I. fin. §. 14. C. de iur. delib.* cuius verba haec sunt: „ne-„cessere est enim omni modo deliberantem inventarium „cum omni subtilitate facere.“ Sed salva res est. Ex mente enim IUSTINIANI, dictae legis auctoris, distinguendum est, an heres confecerit inventarium, vel minus. Illo casu, si hereditatem suscipit, creditoribus quidem in solidum obligatur, sed integrum est ipsi legatariis aliisque, qui titulo singulari lucrativo aliquid ex testamento capiunt, quartam falcidiā detrahere. Hoc casu existente eo respiciendum est, *an adeat hereditatem*, tuncque non solum creditoribus in solidum satisfacere tenetur, sed etiam beneficii legis falcidiae expers est; *an utero repudiet hereditatem*, quo factō hanc creditoribus secundum iuratam specificationem restituere debet (c). Manifestum est igitur, inventarii confectionem heredi non absolute necessariam esse, eamque ipsi hypothetice tantum iniungi, si legis falcidiā uti velit beneficio.

(a) *Diff. §. 4.*

(b) vid. ARN. VENNII *Comment. ad §. 5. I. de hered. diff. & qualit. & ULR. HUBERI Praelect. ad Dig. Lib. XXVIII. Tit. VIII. §. 2.* Huius tamen sententiae calculum non adiicio, qua dicto loco statuit, quod ci-
ves ideo quoque ius deliberandi malle debeat, quam



beneficium inventarii, „quod ipos conficiendi inventarii ex praescripto legum hodiernarum molestior & contumeliosior, adde periculosior sit, quam iure civili dictatum est.“ Conf. LAUTERBACH. Colleg. Theor. Præf. Lib. XXVIII. Tit. VIII. §. 13. & præsertim servius Part. II. Dec. 356.

(c) Fluunt hæ distinctiones ex adductæ l. fin. C. de iur. delib. §. 14.

§. 7.

c) si testator confectionem inventarii valide interdixit, (a) h. e. neque in fraudem creditorum, neque legitimae, huic deliberandi facultas tantum supereft (b). Heredi enim denegandum videtur inventarii beneficium, propterea quod ipsi repertorium conficere, prohibente testatore, non licet. Hereditas vero si omisso inventario suscipitur, patrimonium defuncti & heredis confunduntur. Quam ob caussam res ad ius vetus reddit, vi cuius ex aditione hereditatis patrimoniorum confusio semper oriebatur (c).

(a) Num vero testator confectionem inventarii in heredis præiudicium valide interdicere potest? Negativam defendit LAUTERBACH in Colleg. Theor. Præf. Lib. XXVIII. Tit. VIII. §. 9., propterea quod nemo in testamento suo cavere potest, ne leges in suo testamento locum habeant, l. 55. ff. de legat. 1. Ego vero huic sententiae subscribere non possum. Nam 1) POMPONIUS



in dicta lege ad cautionem usufructuariam respicere videtur. Disquirit videlicet, si coniūcere fas est, an testator, qui heredi usumfructum legatorum reliquit, ei cautionem usufructuariam remittere possit. Negat hoc, perhibens, quod nemo in testamento suo cavere possit, ne leges in testamento suo locum habent. Ratione reddit, quia nec tempore aut loco aut conditione finiri obligatio heredis legatorum nomine potest, h. e. quia obligatio usufructuarii ad praestandam cautionem a testatore nullo modo remitti potest, *I. 7. C.* ut in possess. legat. *I. i. C. de usufructu.* Constat enim ius publicum seu absolutum privatorum voluntate mutari non posse, *I. 38. ff. de pactis. I. 15. C. eod. I. 5. §. 7. ff. de admin. tut. I. ult. ff. de suis & legit. hered.* *I. 13. C. de testam.* Sed beneficium inventarii, quo heres confecto inventario fruitur, *iuri permisivo innititur.* Quare illud heredi per indirectum admire potest testator, dum ipsis confectionem inventarii prohibet. 2) Testator, respectu heredis, est instar legislatoris. Innuit hoc decantata illa LL. XII. Tab. regula: paterfamilias uti legassit de pecunia tutelave rei suae, ita ius esto. Quae quidem regula & iure Romano novo obtinet, quatenus restrictio arbitrii testatoris ostendi nequit. Sed talis ratione prohibitionis inventarii non adest. 3) Testator detractionem quartae falcidiae prohibere potest, *Nov. I. Cap. II. §. 2.* Cur eidem statuere non liceret, ne heres inventarium conficiat, adeoque beneficio inventarii non-



utatur? 4) Legem 55. §. 1. de leg. I. IAC. BRUNNEMANN. quidem in Comment. ad Dig. de formatestamentis intelligit, sed $\alpha)$ ipsum falli arbitror, quia non video, quomodo, hac interpretatione adsumta, explicari possint verba legis finalia: „quia nec tempore, aut loco, aut conditione finiri obligatio heredis legatorum nomine potest.“ $\beta)$ Etsi BRUNNEMANNO quis adsentiret, inventarium tamen non pertinet ad formam testamenti.

(b) Nisi alicubi, ut in Saxonia, iurata specificatio sit loco inventarii, de quo BENED. CARPZOVIVS Part. III. Cap. 33. def. 18. aliquie testantur. Sed hoc iure in Pomerania, teste MEVIO Part. VI. Dec. 41., non utimur.

(c) Conf. SAM. de COCCBII Iur. Controv. Lib. XXVIII. Tit. VIII. qu. 2.

§. 8.

$\alpha)$ Heredi in specie prod-
est, si iure
deliberandi & benef. in-
vent. simul vel successi-
ve uti valet.
 $\beta)$ Iustiniani
sententia de
utilitate iur.
delib.

Quid utilitatis vero in heredem redundet, si ipsi simul vel successive iure deliberandi & beneficio inventarii frui liceat, facile est ad intelligendum. Nam tunc non modo tempus ipsi est, statum hereditatis investigandi, sed sine periculo etiam hereditatem amplectitur.

§. 9.

Quanquam igitur iuris deliberandi utilitas in apri-
co sit, illud tamen, IUSTINIANO, postquam benefici-
um inventarii introduxerat, inutile, immo reipublicae
noxiū esse videbatur (a). Nec tamen directe ius a
prae-

praetore datum abrogare consulum esse duxit (b). Rationes ipse adfert, ne antiquitatis penitus contemtor esse videatur, neve amplius tristibus supplicationibus fatigetur, quas fibi antea repetita vice oblatas esse perhibet (c). *Invitus vero heredi deliberationem connivet. Ut ipsi ergo hanc dissuadeat, ius deliberandi varia ratione limitavit cavitque, ut heres hoc utens inventarii careat beneficio.*

(a) §. 6. I. de hered. qual. & diff.: „Sed nostra benevolentia constitutionem tam aequissimam quam nobilissimam scripsit, cuius tenorem si observaverint homines, licet eis adire hereditatem, & in tantum teneri, quantum bona hereditatis valere contingit, ut ex hac causa neque deliberationis auxilium sit necessarium, nisi omissa observatione nostra constitutionis & deliberandum existimaverint, & lese veteri gravamine additionis supponere maluerint.“ *I. fin. pr. C. de iur. deliber.*
 „Nec satis necessarium erit deliberationis auxilium, nisi hominibus formidolosis, qui & ea timent, quae nulla digna sunt suspicione.“ *Diff. I. §. 13.* „Et haec quidem de his sanctimus, qui deliberatione nullam petendari esse curaverint, quam putamus quidem penitus post hanc legem esse supervacuam & debere ei derogari. Cum enim liceat eis adire hereditatem, & sine damno ab ea discedere, ex praesentis legis auctoritate, quis locus deliberationi relinquitur? Sed quia quidam vel vana formidine vel callida machinatione pro deliberando nobis



„supplicandum necessarium existimant; quatenus eis licet
ceat annale tempus tergiversari & hereditatem inspicere,
& alias contra eam machinationes extogitare &
eandem deliberationem fribilibus assertionibus repetita
vice saepius accipere: ne quis nos putaverit antiquitatis
penitus esse contemtores, indulgemus — eis petere de-
liberationem &c.“

(b) Iustinianum raro hac moderatione usum esse largior. Solebat enim antiqua, quae non ad palatum erant, directe pro summa qua pollebat auctoritate abrogare.

(c) *diss. l. fin. §. 13. C.*

§. 10.

IV. Heres iur. delib. & benef. invent. utique quidem probandum, I. nostrum erit ut ostendamus, heredi *simultaneum usum iuris deliberandi & beneficii inventarii* competere non posse. II. Quo facto demonstrabimus, heredi *nec successive ius deliberandi & beneficium inventarii*, ex iuris Romani sententia, esse tribuendum. Hoc ut pateat, per partes ibimus, probaturi, quod heres deliberans a beneficio inventarii repellatur 1) tam si finito spatio deliberandi, 2) quam eo durante dicto uti velit beneficio. Illud argumentum §phi 13. erit; hoc §phi 14. & seqq. reservamus.

§. 11.

I. Quod igitur ad quaestionem attinet: *an heres iure*

re deliberandi, & beneficio inventarii, simul, uti possit, Iustini- ob ipsam re-
nianum hoc non expresse interdixisse putamus. Nec ^{rum natu-}
hic expressa opus erat prohibitione, siquidem ipsa rerum ^{ram,}
natura obstat, quominus proposita affirmetur quaestio.
Nam heres, si deliberatione utitur, secum volvit, num
hereditatem subire, an vero eandem repudiare consul-
tius sit. Quare ius deliberandi supponit rem adhuc in-
tegram esse, adeoque heredem nondum suscepisse here-
ditatem. Ast heres simulac declarat, se beneficio Iusti-
nianeo usurum, eo ipso adit hereditatem (a). Quodsi
igitur ille iure deliberandi cum beneficio inventarii
uti valeret, sequeretur, ut hereditas eodem tempore ia-
cens & adita esse posset. Unde liquido constat, quod heres
ex iure deliberandi & beneficio inventarii simul fructum capere
nequeat.

(a) §. 5. Diff.

§. 12.

II. Discussa igitur prima quaestione, ad alteram progredimur: *licet videlicet heredi ius deliberandi & be-* ^{2) successive,}
neficium inventarii successive in suos usus convertere, seu quod ^{ob sanctio-}
neam Iustini-
perinde est, an heredi, qui iure deliberandi usus est,
ad beneficium inventarii pateat aditus (a). Rem ex
ipsis adeo legibus earumque genuina interpretatione e-
ruere nos oportebit.

1) Primo casum expendemus, quo heres, qui de- a) finito spa-
liberatione usus est, finito spatio deliberandi, Iustinia- tio delibe-
randi,
nei



nei beneficii particeps esse cupit. Imperator ipse decisionem suppeditat (b). Nam postquam determinatum tempus ad deliberandum concessit iussitque, ut semel tantum rogetur, pergit: „Sin autem hoc aliquis fecerit & inventarium conscriperit, (necessè est enim deliberantem inventarium cum omni subtilitate facere,) non licet ei post tempus praeflitum, si non recusaverit hereditatem, nostrae legis uti beneficio, sed in solidum secundum antiqua iura omnibus teneatur.“ Iure veteri enim heres ipso facto additionis hereditatis creditoribus defuncti in solidum obligabatur, etiamsi debit is solvendis haud sufficeret hereditas (c). Indulxit tantum IUSTINIANUS, ut suo beneficio ornatus ultra vires hereditatis creditoribus haud teneatur. Sed hoc beneficium heredi disertis verbis denegat post tempus deliberationi praeflitum, seu postquam spatium deliberandi elapsum est. Quare si hoc contigit, ius vetus obtinet:

Consequens est igitur heredi, finito spatio deliberandi, aditum ad beneficium inventarii non amplius patere.

(a) Inversus casus contradictionem involvit ob dicta in §pho antec.

(b) *I. fin. §. 14. C. de iur. delib.*

(c) *Diff. nostr. §. 1.*

§. 13.

b) eo du. 2) *Quid autem, si heres deliberans durante adhuc spatio rante, deliberandi declaret, se beneficio inventarii usurpans esse?* 1) *Tum forsan*

forsan illi ius deliberandi haud denegandum esse videtur. quod pro-
 Namque IUSTINIANUS heredi tantum interdixit, ut post batur
 tempus deliberationi praeslitutum suae legis utatur be- ex ipse-
 neficio. Quare Imperator videri potest heredi *etiam* ge primo ar-
deliberanti beneficium inventarii concessisse, modo eo gumento,
 uttatur antequam spatium deliberandi finitum est. Tan-
 tum vero abest, ut haec fuerit Imperatoris sententia, ut
 potius contrariam voluntatem evidenter declaraverit
 (a). „Cum enim, inquit, gemini tramites inventi sunt,
 „unus quidem ex anterioribus, qui deliberationem de-
 dit, alter autem rudis & novus a nostro numine in-
 ventus, per quem adeantes sine damno conservan-
 tur, *electionem ei damus*, vel nostram constitutionem e-
 ligere, & beneficium eius sentire, vel si eam asper-
 nandam existimaverit, & ad deliberationis auxilium
 „convolaverit, eius effectum habere, & si non intra-
 „datum tempus recusaverit hereditatem, omnibus in-
 „solidum debitum hereditariis teneatur, & non secundum
 „modum patrimonii, sed etiam si exiguum sit census
 „hereditatis, tamen quasi heredem eum in totum obli-
 ligari, & sibi imputet quod pro novo beneficio vetus
 „elegerit gravamen.“ Patet ergo Imperatorem heredi
 tribuere facultatem eligendi, aut ius praetorium, aut bene-
 ficium a se introductum. An ergo heres, illo electo,
 hoc petere potest? Sane non meliori iure, quam in le-
 gato optionis legatarius postquam alterum elegit indi-

C viduum,



viduum, alterum adhuc exigit; vel donatarius, cui ex duabus rebus alteram eligere permisum, utramque capit.

(a) *I. fin. §. 14. C. de iur. delib.*

§. 14.

altero argu-
mento, 2) Alterum argumentum ex eadem lege a nobis
repetitur. Verba (a) haec sunt: „Et ideo ad ipsam de-
„liberationis dationem, & divinum rescriptum super hac
„promulgatum hoc adiici volumus, ut sciant omnes,
„quod omnimoda post petitam deliberationem si adierint, vel
„pro herede gesserint, vel non recusaverint heredita-
„tem, omnibus in solidum hereditariis oneribus teneantur.“
Ita vero illi tantum tenentur, qui beneficij inventarii
participes fieri nequeunt.

(a) *delib. I. §. 14.*

§. 15.

β) exratio-
ne iuris, ter-
tioargumen-
to. 3) Conspirat etiam ratio iuris. Nam fallor, aut
rite procedit ratiocinatio. Quod si introducto inven-
tarii beneficio ius deliberandi plane superfluum esse iu-
dicat IUSTINIANUS (a); consequens est, ut tanto mag-
gis superfluum esse arbitretur, hieredem tam iure deli-
berandi quam beneficio inventarii uti. Et quamvis ipse
Imperator usum iuris deliberandi, licet dissuadens, per-
mittat, de usu tamen solitario intelligi vult. Nam se-
cundus

ens sibi ipsi contradixisset, quod ex collatione §. 13. & 14. perspicitur.

Patet ergo, quod heredi deliberanti, nec durante adhuc spatio deliberandi, inventarii uti licet beneficio.

(a) *cit. l. fin. §. 13.*

§. 16.

Sed hic merito ratio postulatur, quare IUSTINIAⁿ heredem deliberantem a suo beneficio prorsus ex- cluserit. Illa est, ut ab usu iuris deliberandi IUSTINI- ANO invisi abstineant heredes, eaque ratione istud ius paullatim in desuetudinem abeat. Quod ideo efficien- dum esse ratus Imperator, 1) quia beneficium inventa- rii heredi sufficere putavit, siquidem hoc dispendium, quod ex aditione hereditatis imminere poterat, aver- rit (a). 2) Accedit, quod IUSTINIANUS ius deliberan- di plane superfluum esse iudicaverit (b). Quam ob caussam heres ad vetustum praetoris edictum confugi- ens in contemnum novi beneficij agere videbatur (c). In talem vero contemtorem beneficij privatione eius- dem animadvertendum erat.

(a) *l. fin. §. 14. C. de iur. delib. & Diff. §. 13.*

(b) *diff. l. §. 13. & Diff. §. 15.*

(c) *Diff. §. 13.*

§. 17.

Quae hactenus de usu iuris deliberandi & benefi-

nef invent. cii inventarii generatim demonstrata sunt ad minores dicta ad minores applicantur. quoque pertinere existimo. De usu simultaneo res expedita est, ob dicta in §. 11. Non magis vero minori competit istis successive uti. Nam 1) sanctio Iustiniani est generalis, adeoque ad omnes heredes pertinet. 2)

Desunt leges posteriores, quae heredi minori hic magis indulgerent, quam illi, qui maiorem adeptus est aetatem. 3) Nec ideo ratione minorum exceptio statuenda est, quod his praetor restitutione in integrum prospexit. Nam hoc quidem beneficio illis succurritur *ob fragile & infirmum huiusmodi aetatis consilium* (a). Quare & minoribus ex aditione hereditatis damnum sentientibus praetor auxilium fert (b). Inde vero illis laesio contingere potest, tam si iure deliberandi usi sunt, quam si omis- sa deliberatione hereditatem suscipere nulli dubitarunt. Fluit ergo, quod utroque casu in integrum sint restituendi: siquidem tam ratio adducta, quam ipsae legum dispositiones ad utrumque casum spectant. Nec tamen ideo statuendum esse arbitror, quod minoribus eo ipso beneficium inventarii concedatur, quod adversus aditionem hereditatis damnosam, praevia deliberatione factam, restituuntur. Nam beneficium inventarii ab integrum restitutione multiplice ratione differt. 1) Si originem spectemus, huius auctorem agnoscimus praetorem, illius Iustinianum Imp. 2) Iura ipsa dictis concessa beneficiis maximopere a se invicem discrepant.

Per

Per impetrataam enim ab herede minore restitutionem in integrum, hic eum statum recipit, quo ante suscepit hereditatem gaudebat. Quam ob causam aditio hereditatis perinde habetur ac si nunquam facta esset. Heres vero simulac beneficio inventarii utitur, adit hereditatem, adeoque omnes additionis effectus in ipsum cadunt, praeterquam quod ultia modum patrimonii defuncti creditoribus haud teneatur. *(β)* Ut heres inventarii fruatur beneficio inventarium conficiat necesse est. Contra ea minori restitutio in integrum adversus additionem hereditatis haud deneganda esse videtur, neglegendo licet inventario. *(γ)* Minor restitutus nil commodi ex hereditate percipere potest. Nam per restitutionem in integrum in pristinum statum reducuntur omnia, adeoque heres talis esse definit. Contra ea vero contingere potest, ut heres beneficio inventarii ornatus lucrum ex hereditate percipiat. Quantum igitur inter beneficium inventarii & restitutio*n*is in integrum intercedat discrimen luculenter patet, tametsi in eo convenient, quod ad heredem indemnem praestandum utraque sint comparata.

(a) l. i. pr. & §. i. ff. de minor. vid. Diff. §. 4.

(b) l. 7. §. 5. ff. eod. §. 5. I. de hered. qualit. & different.



§. 18.

Conclusio. Itaque me satis probasse confido, *quod heres, sit maior vel minor, iure deliberandi & beneficio inventarii neque simul uti possit, neque ipsi ista successive impetrare liceat.* Quare huius dissertationi impono finem.



www.books2ebooks.eu